

CLARISSIMO VIRO,  
 IN PRAXI FELICISSIMO,  
 COLENDISSIMO PATRUELI,  
 D. D. PETRO-JOSEPHO  
 MORISOT DESLANDES,  
 SALUBERRIMÆ FACULTATIS  
 MEDICINÆ PARISIENSIS  
 DOCTORI-REGENTI,



In perpetuum grati animi & reverentiæ Monumentum  
 Offert, Dicat & Consecrat

Devotissimus & obsequentissimus  
 JEANNET DESLONGROIS,  
 Saluberrimæ Facultatis Parisiensis  
 Medicus,



DEO OPTIMO MAXIMO  
UNI ET TRINO,  
VIRGINI DEI-PARÆ, ET S. LUCÆ,



Orthodoxorum Medicorum Patrono.

QUÆSTIO MEDICA,  
QUODLIBETARIIS DISPUTATIONIBUS,  
*manè discutienda in Scholis Medicorum, die Jovis vigesima-octavâ mensis Novembris,*  
*anno Domini MDCC. LXXVI.*

M. DEODATO JEANROY, è Regiâ Societate Medicâ Parisiensi  
pro Epidemiis institutâ, Doctore Medico, Præside.

*An in Hepate materiæ sanguinem colorantis defæcatio?*

I.



UIBUSNAM principiis purpureus ille latex, sanguis, fons vitæ  
& sanitatis componeretur, diù antiquiores latuit tùm Medicos, tùm  
Chemistas. Neoterici arcanorum naturæ indagatores oculatissimi, alia  
naturæ, alia artis producta ideò maximè distinguenda intellexêre quòd  
sanguis vi ignis tortus adulterina præbeat principia: spontaneæ cruoris  
analyseos phænomena, & varia elementa observârunt, eumque in partem ferocam,

salinam, lymphaticam & fibrosam mirati sunt abeuntem. Causa elegantioris coloris quo sanguis rutilat, peritissimos exercuit physicos; ad eam detegendam artificiosa tentaverunt experimenta. An à nitro? An à sulphure? illa quidem ignis detegit & explicat; in vivi animalis sanguine nunquam reperienda. Lecwenhoeckius globulos afferit solitarios flavo colore essentialitér tingi, purpureumque colorem in congestione sex globulorum insidere. Probandum superest undè color flavus solitariis globulis; cur ex absolute pellucidis sphaerulis globuli efformantur flavi aut rubri? Nonne ex homogenei fluidi (ut vult auctor ille celeberrimus) particularum miscelâ exurgere debet idem color? dein elusâ parte fibrosâ, pars colorans cum aquâ combinatur, eamque tingit, quibus diutius agitatâ nihil de colore perit; motusque ille, vitali longè superior, ita rescindere, dividere, separare nequit globulos ut in luteas, pallidasve sphaerulas trans-formentur; nec etiam Hallero illud systema arrisit, qui sanguinem non homogeneum esse fluidum, & sphaerulas ex quibus coalescit sanguis in universum rubras esse, obque eas solas cruorem rubere contendit, eo discrimine quòd color ille non ejusdem semper sit intensitatis; in animale sano, benè pasto, singulâ saturè purpureæ sunt; in animalibus inedia exhaustis, languidis & debilibus, in chloreticis, melancholicis pallent eadem; inque luteum colorem degenerant. Causa verò illius coloris adhuc non innotescit: pars illa colorans alterum mihi videtur sanguinis principium, illudque legendum admodum M. Roux, publicas inter lectiones suspicari se professus est; ferrum quippè, si analogiam ducem sequamur, præsentia suâ & combinatione rubrum sanguini conciliare valet colorem. Quemadmodum enim flores sic & sanguis à marte purpureum suum mutantur colorem. Intrâ vegetabilium vasa tenuissima, tenuior serpit ferrea pars; nec corporibus animalibus extranea dici potest; cum nulli sint animalium cineres ex quibus non extrahatur, cum sanguis eorum adeò ferro scateat, ut in cœruleum borussicum totum prorsus ferrum arte vèrtatur. Facilius in plantis metalli illius præsentia evincitur, difficilius in animalibus, in utrisque tamen certissimè \*, Sic Listerus *a*, Rhades *b*, Hallerus *c*, clariss. M. Lorry *d*, D. Cadet *e*, Pharmac. Paris. ferri præsentiam monstravère in lumbricis, in ossibus animalium, in calculo humano, in bile, plurimas in cruore micas detexère. Undè ferrum sanguini advēniat, facile attendenti patebit: quo organo deponatur, fecernatur, illud nostrum est argumentum. Partis sanguinem colorantis copiam non mediocrem in bile reperiri in antecessum ponimus, & hepar illius principii sanguinis esse organum coloratorium.

\* Veram esse terram ferri constat, quòd adjecto phlogistico, micæ de sanguine extractæ in verum ferrum fuscæ convertantur: cum gallarum solutione atramentum efficiant: denique virum metallicum fusco calore tingant, ut ferrum solet.

*a* De Aquis Medic. Diss. 2.

*b* Pag. 6 & 7.

*c* Elementa Physiologiæ; Tom II.

*d* Vid. Aureum illius de Morbis Melancholicis.

*e* Vid. Regiæ Scientiarum Academiæ Parisiensis Commentaria.

## II.

**A**D interiorem corporis humani fabricam, si sedulus attendas, fermè totam ex organis colorariis efformari jurè ac meritò dixeris. Tot numerari possunt illa, quot numerantur in corpore humores, illudque prudenter summoque cum consilio à supremo rerum Conditore fuit institutum: idem enim motus, idem calor qui chylum in cruorem immutat, illum in lympham resolvit, lympham in serum attenuat, serum deniquè diffilat: solida etiàm afficit, deterit, abradit, immutat, imò destrueret si non daretur reparationis beneficium. Multiplicium itaque organorum auxilio, diversa sanguinis principia combinantur, segregantur, transcolantur, immutantur, ne excepto quidem illo densissimo, quod fibrosam partem dicunt, principio. Latex aqueus & salinus per renes & spiracula cutis amandatur; in substantià cerebri corticali, humor limpidus & tenuis fecernitur; distillat in ore copiosus glandularum plurimarum succus; œsophagus, ventriculus, intestina humore irrorantur peculiari; spissior humor testibus segregatur. Quæ omnia dum œconomix animalì sanctitas leges sequuntur, vita sanitasque stant & vigent, ab humoribus superfluis, nocivis liberatur sanguis, & plurimos ad sui reparationem succos deponit. Nulla verò secretio utilior, nulla reformatio, nulla excretio oportunior quam partis sanguinem, colorantis, id est, quàm bilis.

## III.

**P**ARS sanguinem colorans, principium illius laticis alterum, ab alimentis supeditatum, cum chylò adfertur. Post absolutos plures circuitus, & repetitis contrà vasorum parietes innumeris confricationibus, attenuantur, combinantur particule ferruginosæ, evolvitur, expanditur phlogiston, cruoris purpura & calor adaugentur; principium illud colorans crassius vasa lymphatica non permeat, imò cum lymphâ combinari difficillimè potest, sin minus status diceretur contrà naturam, inflammatio videlicet; nequaquam cum serosâ parte combinationem patitur: inhaeret autem cum gelatinosâ, fibrosâ vix ab illis separandum. Nec omnibus in majoribus vasis æquè abundat, & combinatur, illo turgent venæ. En verò elaboratum vi vitæ, eadem percolatur, excernitur multos in usus. Sanguis enim versùs hepar obliquè & reluctante proprio pondere ab omnibus inferioribus partibus redux ascendit, plurimâ parte tingente fetus. Superfunt tunc unicè pars rubra, pars oleosa crassior; de priori velocitate multum amittere, indèque novam ineunt combinationem, & in venæ portarum radicibus jam color ille ruber mutari dicit; flavos non pauci Anatomistæ globulos annotârunt, bilem dixere jam efformatam. Ad hepar itaque appellit pars illa colorans, ibique non minimam secretioni materiam suppeditat. Deniquè à superflua, mox nociturâ parte liberatus cruor, ad cor vergit. Quò

magis abundat illud principium, quò magis rubet animalium sanguis, eò copiosior feceritur bilis: in quibus è contrà materia colorans vix reperitur, illis parcior, à parte oleosâ crassiori majori ex parte oriunda, acredine vitatur, imò caustica est. Homo, quadrupeda animalia plurimùm habent sanguinis rubri, bilem etiàm fecernunt plurimam & blandiorem; parcior ranis est, paucissimus piscibus.

## IV.

**U**LTRO non pauca sese offerunt argumenta quibus evincitur partis sanguinem tingentis analogia cum bile. Ecquis inter corporis humores ad colorem sanguinis propius accedit? Principium colorans sanguini à naturâ insitus est stimulus quo cordis & arteriarum irritabilitas meliùs excitatur: a: bilis etiàm, clyster ille naturalis, acrimoniâ suâ vellicat intestina, eorumque motum suscitât & perennat. Novum itaque habemus momentum analogiæ bilis cum prædicto principio. Utrumque super abundare, utrumque deficere potest: quibus abundat, temperamentum biliosum, calor acris; quibus deficit, phlegmaticum; frigida animalia æmulantur. Cutis ipsius color varius non aliam cognoscit causam: quò ferrum abundat magis, eò sanguis intensius rubet, & suum partibus omnibus, cuti etiàm impertitur colorem: indè bilioso temperamento præditis subflava cutis est. Si pars ferruginea sanguinis exuberet, calore summo extramodùm expandatur, ad minima vasa transit, textu cellulari irretitur magis ac magis, coarcevatur, densatur, & cutis colorem refledit flavum, nigrescentem, nigrum. Nec inficias ibis illud calori generando principium inservire; quibus enim animalibus pleno fluit alveo, calor iisdem accenditur, minimus autèm sentitur iis quæ pallido, frigido donantur sanguine. Denique analysi chemicâ probata bilis, eadem præbet principia, quæ pars sanguinem colorans, id est, spiritum alkalinum volatile fluidum, alkali volatile concretum, oleum empyreumaticum, & carbonem qui cum acidis plurimâ aquâ dilutis effervesceat, & syrupo violarum colorem viridem inducit. Hinc pars illa bilem & sanguinem colorans à cæteris eorumdem principii discrepant, quorum cineres nihil simile continent.

## V

**N**UNC in morbofo statu prædictam nostram sententiam probat observatio. Si sanguis partem sui colorantem deponere impediatur à quolibet hepatis vitio, icterus producit in quo jam corpus rubicundo non honestatur, sed flavo deturpatur colore; in quo cutis, morbo longius protracto, colore plumbeo vel cœruleo-viridi, livido aut fusco defædatur. Denique in cadaveribus cultrum anatomicum exhibet non solum textum cellularem, omniaque viscera, sed etiàm cartila-

• Vid. Thef. colendissimi M. Contavoz, an arteriæ ut sensibiles, sic & irritabiles.



gines & ossa colore flavo tincta, non secus ac cutis. Postremò cruor per contusionem, ecchymosim extrà propria effusus vasa, à rubro degener colore, varios colorum gradus & lineamenta percurrit, & in flavum ultimò mutatur. Necnon & therapeia nostram confirmat opinionem: illos aspicias qui vel diuturniori morbo detenti fuèrunt, vel constitutione imbecilliori & cachexià laborant, vel quibus pubertatis signa ægritùs apparent; iis vis vitæ minor, pallet sanguis, ferè prostrata languet machina. Ars auxiliatricem porrigit manum: martis præparaciones adhibentur, jam torpor omnis fibrarum excutitur, sanguis cum colore vigorem concipit, & impertitur.

At, inquires, claudio pede stat tua propositio, si chylus amissorum benignus restaurator, ex alimentorum parenchymate expressus, albo doneatur colore; nec alium possit conferre colorem, dum rutilo miscetur flumini. Experientia verò illius argumenti vim omninò infringit, & probat omnia colorum principia suà coloranti virtute toties defraudari, quoties non præparantur, non combinantur: bilem naturà suà flavam, cum aquà diutius agitatam ad album transire colorem, attamen ferri plurimùm continere: sanguinem ipsum congestum, vi vasorum quassatum in inflammatione, si resolutio fiat, mutationes colorum de quibus in quarto hujusce theseos paragrapho mentionem fecimus, experiri; si suppuratio adsit, ejusdem laticis principia ità de novo combinari, ut materiam efforment albam, purem dictam. Nihil itaque obstat quin ad conclusionem properemus:

*Ergò in Hepate materiæ sanguinem colorantis defecatio?*

#### DOMINI DOCTORES DISPUTATURI:

M. Claudius-Antonius CAILLE, è Regiâ Societate Medicâ Parisiensi pro Epidemiis institutâ, è Societate Medicâ Edimburgensi.	M. Antonius-Laurentius DE JUSSEU, Regiæ Scientiarum Academiæ Socius, è Regiâ Societate Medicâ Parisiensi pro Epidemiis institutâ.	M. Ludovicus-Maria POUSSE; Eques & Censor Regius.
M. Philippus-Alexander BACHER.	M. Joannes-Jacobus NOLLAN.	M. Antonius CASA-MAJOR; Censor Regius.
M. Claudius-Andreas GOWBELLY, Chirurgiæ Latino Idiomate Professor designatus.	M. Benjaminus-Michaël SOLIER DE LA ROMILLAIS, Anatomies & Artis obstetriciæ in gratiam Matronarum Professor.	M. Raymundus DE LA RIVIERE.

Proponēbat Parisiis JOANNES-BAPTISTA-CLAUDIUS JEANNET  
DES-LONGROIS, Arcyanus, Trecentis, Saluberrimæ Facultatis Medicinæ Parisi-  
ensis Baccalaureus, necnon Theseos Auctor. A. R. S. H. 1776. A SEXTA AD  
MERIDIEM.